
Қутлуғ мақом соҳибаларига юксак эҳтиром кўрсатилди

Фарғона вилояти ҳокими ташаббуси билан бошланиб, бу йил бутун вилоятда учинчи бор кенг нишонланаётган “Оналарга эҳтиром” фестивали бу қутлуғ мақом эгаси бўлган азиз оналаримизга халқимизнинг юксак меҳри ва эътибори рамзи сифатида ўзгача шукуҳ билан Қува туманимизда ҳам давом этмоқда.

Тумандаги Аҳмад ал-Фарғоний мажмуасида ўтказилган “Оналарга эҳтиром” шиори остидаги байрам тадбирида тумандаги кекса ёшдаги онахонлар, фаол хотин-қизлар иштирок этдилар.

Шунингдек учрашувда инсоний фазилатлари, самарали меҳнат фаолияти, оилада фарзандлар тарбиясидаги ибрати билан эл назарига тушган оналарга туман ҳокимлигининг ташаккурномаси ва эсдалик совғалари топширилди, эҳтиром гуллари улашилди.

Оналарни улуғлаш ва шарафлаш, уларга эҳтиром кўрсатиш, қутлов совғаларини улашиш имконини бераётган, бу каби ишларни эзгу анъанага айлантираётган фетсиваль туманимиздаги маҳаллалар ва қишлоқлар, корхона, ташкилот ва муассасаларда давом этмоқда.

2023-05-15 10:50:33